

Ka nhakin:

- Nhakin to da chshaljin che da ba gok do tiempote, lhen che da ka gok'kz.
- Nhoan lhate da nhankgok chechhobene walhall.
- Cholsaljen chhio dadgolchechho, ka xa xnhachho, ka shdeen lo nhatotochho.

Ga chhonhin llin:

- Ka dseden chhio da ba gok chechho ka yogo da chhala gonchho.

Bsia chhaobidao

Bene golh ka chholshalje da gok yell chechho do kanhite. Ldegaxh to bsia xhen, dzoba gaxjw nha chhoaba nho biringo dao dzakeba, chheyoaba lebo ya'chhalh nhate chhjeyedawba lebo.

Nha yogolho birhingo dao bolzue yichjbo to xhiga doj, nha kate zagaxh bzian bitochh wzakeba yeyuaba lebo. Perh nho bidao chhal'lhallebo xhiga chebon nha chheyuaksba lebo.

To kate belhlla' bene yell chechhonhi nha wzake zjelsenheba, nha golhchoge yag yixe, belhllintie to le' yej sib gan lla xo'nba, nha belyellelhenhe shit che bidao ba gwdawba, kanha beloteba nha wde dan bemba.



To Gemph

Ka nhakin:

- Nhakin to da nzoje nhoan to illa.
- Nhoan dibug wen nha lhates nzojen.

Ga chhonhin llin:

- Chhonhin llin kate chhaxhee nho bi da chhak o bi da gonhe, kanholnhi, nho gunt.
- Shde'n to ga nhak shawe nha ga nlaa, ga chhelhllin ka chhelhdee bene chishgal.

Zolaga chhaxhe
lhue lnh che

Xnhhaxh
Del Karm

Solhawin lla shinho,
nha yeyollin lla
shinho chop



Gak kalhend, yedgak muestr mixh yolkuelle.
Kue weya' gasj lhen wensh.
Gonhe metin lee bispr nha shoo bailh yolkuell
banda ka.
Gonhe mis lla lnh, kue lej che bell nha yelyitj
equipos che basquetball.

Wdaa yejgawchho txhenh
Komision che lnh

Kartel



Ka nhakin:

- Nhakin to da nzoje ga dzejn-hin ka chhonhe to yelawaw.
- Les nha nhoan toto da chgwe' yelawawa, kakaten chgwe'n nha nhank dzinhie'n.

Ga chhonhin llin:

- Chgonhenhen llin konch chholzejnhie' ka chhala gako yelawaw.

Daa chhoanh:

- To kil belha bell
- To kusharh zede
- To yejsiw xhen
- To yichj kuanhaxh
- Shon yinha gwalhall
- Gashj kil bex
- Shon khab
- To pedish komin
- Garbans, kolhxx, zaa ya', yapj, tormit



Ki gakin:

Kochho to kil belhan, to lo yeso xhen, ka' chhon nhis nha gwzuachhon lo yi. Nha kochhon zede, yejsiw nha kuanhaxh. Sheka chheyena chhote yinha lhen bex, khab nha komin. Kate ba nheye belhan, nha chgwen yinhan bete, nha chgotien garbanz, kolhx, zaa ya', yapj lhen tormit. Kuezechho lebin, kanha ba nhak yelawaw chechhon.

TO NHO' LH WENYELAWAW ZOLAGA

Kigonchho to yelawaw

Ka nhakin:

- Nhakin to yill da chhon llin kate ga chhata nho gunt.
- Ka nhak da nhoan: ga, bat nha bi orh gak gunta, lha bene llag, bi che da chholshalje, da chak lo gunta dilla bolzuee, firm nha sey.

Ga chhonhin llin:

- Chgonhechhon llin konch chhoncho bino da chhala gak do yell chechho.

AKTA DA WYA'S GABENHE GUNT CHE PROGRAMAN NHE OPORTUNIDADES DA BENHE YELL LLA SHI NOBIEMBR, IZ CHOP MIL GAYO.

Kate nhak las gaa che sisl'lh, lla shi nobiembr, iz chop mil gayo. Belhyellag bena shinho shon che programan nhen Oportunidades, lo' legalher che yell gok reuniona' gan golhaxe yogolhonto, junt benh bene che Oportunidades ze'e Laa Ihiee, Javier Rios Gutiérrez. Nha nhoe' to list da chhala wshaljento: 1.- List che bene bedgak; 2.- Ga wshalj nheto che da babenhento; 3.-Da yelna bena wsak bi yelonhe che shina na'; 4.- Bi nho da yoblh wshaljento; 5.- Da llagen chechho gonchho.----- Belh' lha yogolho kanhak shinho shoneto. Nha bshaljento che llin venhento ga bluando do lo nhez yoo che yell. Geniga koordinadora nhe chhonhin bayoll, gonchho bi dadao yoblh nha she ko yelenhe bene yell ka, nha nho gustis yelaklhenhe chhio lhen nho bi xkuide dao konch sakechho yonhitcho kostumbr ka nhakchho limp. Nheto ka nhak bene bllageto wnhanto da chhala gak'kza yelejni yogolhote bene nha gakchho limp ka lhilichho, ka do kuit yo'o lhen lo nhez chechho. Nha yogolhonto wnhanto yento muest skuel yolzejninhe biringo ga yelakbo limp, ka cuerhp chebo ka lhilibo, nha benhento kompromis yeendonhomuestrskuelh, lhen bene che klinikakabene che Oportunidades yolshajlhenhe bi xkuida ka nha yogolhoz bene yolzejninhe lee ga yelake limp. Gan nd'e bi da yoblh chenhechho wshaljchho, golnhe bana' wsak chhala yolwilchho justis konch gaklhenhe chhio gone nho ramient ka yolhlwille bene konch yolhlue do lo nhez chie konchh nha sake wluachhento yelate ko na zake tendo chhelne. Bazuakz yeyollin kate bodiee kuent yogolho dan golne chhala gak, nha golnhee yella lhate dan chhonchho, yolwilcho justis, klinika konch yelaklhenhe chhio. Nha gege bi dechh gak nha chhelne yas actan nha gok ka. Yogolhondo beneto firmar, nha bolhchishetien sey. Nha wde gunta.-----


Lic. Javier Rios Gutiérrez




La Autoridad Municipal

Acta che asamblea



Ka nhakin:

- Nhakin to da nyoj nhoan lhaa bene zjonkode kuinhe do loorganización o bene chjake nho gunt o chhe-lonhe nhollinlhawe.

Ga chhonhin llin:

- Chhazin ga chhonhe organizar da concho chhio nshag-kuinchho.

LIST CHE BENE GOLAKHENHE KATE GOK TO YO'O CHIA. LLA GALJ DISIEMBRH, IZ CHOP MILH GAYO.

1.	Mario Rodríguez López	chop yichj panhelh.
2.	Ismael Rodríguez Cruz	to yoa wag.
3.	Juan Solís Solano	to yoa wag.
4.	Heriberto Fernández Cruz	\$50.00
5.	Rocío López Arias	shon kil zaa.
6.	Manuel Arce Arce	to litro mezkalh.
7.	Simón Cruz Martínez	tyag xhoa
8.	Evaristo Gutiérrez Ríos	to kag yeez.
9.	Primitivo Solano Molina	\$20.00
10.	Agapito García Pérez	to litro mezkalh.
11.	Aureliano Cortez Martínez	to litro gwarhient.
12.	Lucía Arias Ríos	tres kilos de arroz.
13.	Enésimo Martínez Martínez	\$50.00
14.	Maximino Ríos Ramos	to yoa wag.
15.	Irene Ramírez García	\$100.00
16.	Pedro Morales Ríos	to litro mezkalh.
17.	Venustiano Cruz Velasco	chop kil bishte kafe.
18.	Vicente Molina Fernández	tap kil sukrh.

List

Ka nhakin:

- Nhakin to da nyoj nhoan lhee nho yell, nho bene, les ka nhoan nho da ko chhala gonchho konch ko bi gak chechho.
- Shde'em ga yelhelhe' bene zan len konch yolhlhaben.

Ga chhonhin llin:

- Chgonhenhen llin kate bi chhala yelneze bene lhen kate bi da' ko chhala gak.

GAKCHHO LIMP

Bit cho'no beb nhiga. Blua lhillo, ka lo nhez chio konch ka gata yillwe lhallchho. She nhita beko chio, bdaba yag, konch ka yelyi'shba do lo nhez. She ba zjenyishba gwka xche'ban bgakuin yoo.



¡YELA SUA WEN CHECHHO, GAKIN SHE GONCHHO LIMP!

Justis Che yo'olhawe

Letrherho



Ka nhakin:

- Nhakin to da nyoj ga chhaxhe' bene gunt ga chholshalje che da chhak che yellhen dachhak che skuelh.
- Yogo da nhoan nho lha bene chhaxhe, che da yol-shalje, ga, bat nha orh ga yellage gunt, nha lhaa bena shnie lee logunta.

Ga chhonhin llin:

- Chhonhin llin kate chhaxhe bene gunt.




Yish da shn chhio

Ka nhakin:

- Nhakin to da nyojrhingo ga chyixje' nhe bene kate bi da chhala gak.
- Dan chyixjen bene, daan: dan chhala gak bat gakin, bi orh, nha gan gal gunta ka nho ha bene u organización chhaxhin bene.

Ga chhonhin llin:

- Chhazin kate chyixjenhe bene shjake nho bi shjelenhe o kate bi gak.



Da chyixjen chhio



Ka nhakin:

- Nhakin to da nyoj wak gakin to da ton o to da rhingo nha nhakin da' gonchho saludarh bene lhen kate bi nabchho.
- Daan: ga nzojen, bat bzojen, ga chhonhe saludarh, bi chie' bene, dilla zelhawe chie bena.
- Chhala shoon to lo sobrh nha taan lhaa lhen gazua bena yazie'en ka che bena wzojen.

Ga chhonhin llin:

- Chholzोजen koch yelonhe saludarho yelie' bene da chhalayelnhezenhe.

Zolaga, Yell, lla tape chhua octubr, iz chop mil gayo.

Gwse, Xhina:

Chsela to yishi chio konch nezda she chhak wen chio, zuasknheto wen bit kue yichjo, bino tao do gan.

Na' ba zaa todsant nha xnhao, shela yeyedshga Gwse chian suachho lnh, les ka chhelna bibisho lhen bi zanho.

Ba gollanhe, la ziton zuabo ka gege chhak tebo to tebo yeto, la' kana wzake wdebo ka mechh xhen nabin zezabo. Kon kueschho, nha kate yelhabo kochh shejskbo.

Kan chhak nha gongo bayoll wkodo mechh dao chhonho gan, konch yeyedo gonchho llin yixe. Nha yeyakchho tos, la' nhaka na' todsant chelyelhaa xtawchho nha gege zoo nha wak yelak lej lhallo.

Bino tao lhall bene zito, kate gonin chis yeyedo toshiz. Konch kochh shejsko.

Xao Xhoa

Nhiga chhoan: lhaa bene duelen,
ka direksion chie nha ga yell zuee.



Nhiga shdaa: lhaa bena' yezle' karta, ka,
direksion chie nha ga yell zuee.

To kart

